

**Inissianik attartorneq pillugu Inatsisartut
peqquussutaata allanngortinneqarneranik Inatsisartut
peqquussutaat (Inissiat attartortittakkat pisortanit
pigineqartut ingerlanneqarnissaat, aqunneqarnissaat,
attartornermullu akiliutit aalajangersartarnerat
pillugit malittarisassiornissanut
piginnaassuseqartitaaneq)**

§ 1.

Inissianik attartorneq pillugu Inatsisartut peqqussutaanni nr. 5-imi 31. maj 2001-imeersumi makkua allannguutigittinneqassapput:

1. § 9-imi imm. 4-tut ikkunneqassaaq:

"Imm. 4. Namminersornerullutik Oqartussat kommuunillu inissiaataasa attartortittakkat aqunneqarnissaat ingerlanneqarnissaallu pillugit Naalakkersuisut erseqqinnerusumik malittarisassiussapput, matuma ataani aqutsinermut akileeqataassutip immikkoortitaarneqartarnissaa aamma akileeqataassutitut akiliutinullu avinneqartarnissaa, aningaasaatit aqunneqarnissaat, aningaasatigit siumut missingersuusiortarnissaa, naatsorsuutit saqqummiussisarnissaa kukkunersuiisarnissarlu malittarisassiorlugit."

§ 2.

Inatsisartut peqqussutaat atuutilissaaq ulloq 1. januar 2002.

Namminersornerullutik Oqartussat, ulloq 12. november 2001.

Jonathan Motzfeldt

/

Jørgen Wæver Johansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut